


Q. D. B. V.
DISSERTATIO JURIDICA
DE

ANNONA,

Quam
PRÆSIDE
VIRO



NOBILISSIMO, AMPLISSIMO ATQVE
CONSULTISSIMO

DN. GEORG-ADAMO

Struven/ J. U. D. Profess. Publ. celeberrimo,
Consiliario Saxonico, Curia Provincialis & Scabi-
natus Assessore gravissimo,

Patrono atque Præceptore suo multis nomi-
nibus devenerando,

Publicæ ventilationi submittit

Johann-Georg Fleßa von Seilbitz!

addiem April.

J E N Æ
LITERIS JOHANNIS NISII,
M DC LIII. S

J. J.
DISSERTATIO JURIDICA
De

ANNONA.

APHOR. I.

AD Societatem civilem requiritur, ut in eà sit *αὐτάρκεια*, sive rerum omnium ad vivendum necessariorum abunda & sufficiens copia: quod Callistratus *Ictus l. 2. de mundin.* doctrinâ Platonis confirmat: & pluribus exponit optimus civilis prudentiæ magister Aristoteles *I. Pol. 2. & III. Pol. p.* Maxime verò prospiciendum, ne civitas egeat annonâ, quippe cujus usus in primis necessarius. Parva namque urbis præsidia essent, parum admodum leges, sanctiones, institutaque civitatis prodesse, si populus esuriret. Unde quoque legimus in benè constitutis rebus public. annonæ magnam impensam esse curam. Cum itaque in Legibus etiam Romanis sæpius annonæ fiat mentio: idè de illâ, animi laxandi causâ, Exercitatione hæc Academicâ, Deo clementer annuente, paucis quasi per saturationem, agemus.

II. Annona Suidæ à nonis dicitur, quod post nonas apud Romanos fuerit data. Ita enim ille *ἑρ. Νένας* scribit: *δοξῶσι παρ' αὐτὰς ἡμέραις αἱ ἀννάαι ὡς αὐτὰς Νένας διδόναι.* Quam derivationem dicit *putidam* Justus Lipsius

Lib. 1. Elector. c. 8; Planè incongrua quoque est *Isidori lib. 20. c. 3.* originatione, à nonâ horâ, quâ Romani veteres: ad cibos advocaverint. Alii ab anno derivant, vel quod in annum custodiatur; vel quod ex anni proventibus sumatur; vel quod ad annum victum requiratur. *Franc. de Amaya comm. in L. X. Cod. tit. d. annon. & trib. n. 1.* Nec infrequens est apud vetustos scriptores, quod *annus* pro *annonâ* dicatur: uti notat *Thomas Dempsterus ad Ros. antiq. Rom. l. 7. c. 38.* Usurpatur etiam vox *annonâ* in libris *ΒΑΣΙΛΙΚΩΝ* (sequentibus *Modestinum* & *Cum in l. 1. § 1. d. excus. tutor.*) *Tit. θελονόμε. ἰσλίσ. θελ. ἀνώνας. l. b. 60. tit. 4. 1. (re-ctius: ἀνώνας: uti alibi legitur apud Suidam dicentem: ἀνώνας, ῥωμαϊκὴ λέξις.)* Aliàs verò in iisdem Græcè redditur: ἐν θηνία; d. lib. 62. tit. 4. leg. 1. & seqq; & lib. 19. tit. 18.

III. Significat verò *annonâ* vel (1.) latiori sensu quosvis fructus in genere ad victum pertinentes, ut frumentū, vinum, carnem & alia edulia *l. 1. § 1. c. de erog. mil.annon. Lib. XII. l. 1. C. de offic. praef. urb. junct. l. 1. § 11. D. cod. P. Rebuff in l. 77; de V. S.* Ita quoq; apud *Ciceronem* sumitur *Lib. 2. de divin. verbis: Si Epicuri de voluptate liber corrosus esset; putarem annonam in macello cariorem fore. Et apud Columellam dicitur: lactis annenaz.* Vel (2.) denotat strictiori significatione frumentum, seu annuos terræ proventus, *Getreidig/ Frucht/ vidi Coler. de processu execut. p. 3. c. 9. n. 155. Webner. voc. Getreidig.* Vel (3.) strictissimè sumuntur *annonæ* pro panibus; seu certâ definitâq; cibariorum ratione, quæ vel salarii vel præmii loco præstabitur; vel aliàs acquirebatur: ut apud *Lampridium in Alexandro Medico*; dicit illè, sub eo unius *Palatinus salarium accepit: ceteri qui usq; ad sex fuerunt; annonas binas.*

aut ternas accipiebant &c. Ubi monet Salmaſius annonæ multitudinis numero panes tantum ſignificare: quod licet fortè plerumque obineat, perpetuum tamen non eſſe, alii rectè obſervârunt. Fr. Amaya d. l. nu. 4. Gualt. Donaldſon: æcon: cap. 10: pag. 63. Vide etiam de hiſ annonis l. 1. C. di. praſ. Prætor. Afric. l. 11. C. Theod. de medic. & profeſſ. l. 10. C. de ann. civil. lb. l. 12. C. de erogar. mil. ann. l. XII. quam exponit Pancirol. lb. v. l. c. 31. Porro, cum quædam tributa præſententur collatione annonæ, ut frumenti, vini, & aliorum fructuum, l. 1. §. 2. l. 18. §. 8. de muner. l. 32. §. 6. de admin. tut. l. 28. de uſufr. legat. l. 9. C. de ſuſceptor. & arcar. Lib. X. hinc annona etiam accipitur pro illo tributo, in eis rebus conſiſtente, & aliis tributis, in ſpecie ita dictis, quæ collatæ pecuniâ, auro, argento, veſtibus, equis, præſtantur, opponitur: l. 1. C. de annonis & tributis Lib. X. ubi Fr. Amaya m. 5. Dicitur aliàs illud in annonâ conſiſtens tributum, annona collatio l. 1. C. de præſer. 30. ann. l. 2. C. ſi propter publ. penſit. & debitum ex cauſâ annona riâ l. 46. §. 5. de jur. ſiſc. nec non annona ſunctio l. 7. in fin. C. de fer.

IV. Singularem verò curam Romani annonæ: frei frumentariæ impendunt: & non ſolum exercitum militum annonâ diligenter inſtruxerunt, ſed etiam ne fame laboraret plebs, prouiderunt, cui annonam quandoque, gratuitò exhibuere, quandoque viliori pretio dederrunt. Vid. Thom. Dempſterus in lib. 7. antiq. Rom. Roſin. c. 38. Hujus frumentariæ largitionis, quam Græci οὐνοπνοια dicunt; originem antiquiſſimam eſſe, & ferè ſemper conciliandæ plebis cauſâ factam docet J. Lipſius d. libi 1. Elect. c. 8. Ita eam ſtatim poſt Reges ejectos adhibitam tradit Livius l. 2. hiſſor. Multa, inquit, blandimenta plebi per id

tempus ab Senatu data: annona imprimis habita cura, & ad frumentum comparandum missi, alii in Volscos, alii Æquos. Et quidem initio videtur illa largitio voluntaria, indeterminata ac in arbitrio Senatûs fuisse: postea verò Tribuni varias leges frumentarias tulerunt, uti videre licet apud Lipsium d. l. §. Exorti mox Tribuni. Guid. Pancirolum in notit. Imper. occid. c. 5. Conf. Marc. Vertran. Maur. de jur. liber. cap. 16.

V. Translatâ deinde summâ potestate ad Impp. iidem variæ constitutiones de hac re frumentariâ promulgatæ, & numerus frumentantium s. frumentum accipientium definitus. De Julio Cæsare Suetonius c. 41. scribit: *Recensum populi, nec more, nec loco solito, sed vicatim per dominos insularum egit: atq; ex viginti trecentisq; millibus accipientium frumentum è publico, ad centum quinquaginta retraxit. Ac ne qui noviciatus recensitionis causâ moveri quandoq; possent, instituit, quotannis in demortuorum locum ex his qui recensiti non essent, sub sortitio à pratore fieret.* Et de Augusto Tacitus lib. 1. ait: *Militem donis populû anno-nâ, suctos dulcedine otii pellexit. Sic quoq; Suetonius in Aug. c. 40. scribit: Populi recensum vicatim egit: ac ne plebs frumentationum causâ frequentius à negotiis advocaretur, ter in annum quaternûm mensium tesseras dare destinavit: sed desideranti consuetudinem veterem concessit rursus ut sui quisque mensis acciperet.* Ut & c. 41. *Frumentum in annonæ difficultatibus sæpe levissimo, interdum nullo pretio, virum ad-mensus est.* Et de hoc Imp. Augusto ulteriùs ostendit J. Lipsius d. l. quod numerum eorum, qui frumentum caperent, auxerit. Sub Impp. verò sequentibus paulatim sine discrimine admissos omnes tenuiores cives colligit Idem ex Senecæ l. 4. de benef. c. 28. verbis: *Fru-*

cum publicum tam fur, quàm perjurus & adulter accipiunt :
& sine dilectu morum, quisquis civis est. De Nervà Dio l.
68. init. scribit : Civibus Romanis, qui in summâ erant egesta-
te, agrum addidit ad sexcenties sesterrium, ejus agriemtionis
divisioneq; quibusdam viris senatorii ordinis imperatâ. Pe-
culiariter Trajanus Imp. instituit, ut quinque millia im-
puberum ex publico alerentur : referente Plinio in *Pa-
negyr.* quem numerum Adrianus & Antoninus auxerunt,
ut Capitolinus memorat : Fuere autem alimenta usque
ad XVIII. annos pueris suppeditata, uti constat ex l. 14. §.
1. de aliment. & cib. legat. quod ipsum à Commodò Imp.
primùm per annos IX. intermissum, à Pertinace subla-
tum fuisse tradit Idem Capitolinus. Porro Severus Imp.
ut in *Heliogabalo* autor est Lampridius, moriens VII. an-
norum Canonem Romæ reliquit, ita ut quotidiana
LXXV. millia modiorum expendi possent : & dederunt
postea principes posteriores operam, ut frumentum pe-
cuniâ publicâ comparatum in urbe abundaret. *Guid. Pan-
sirol. in notit. Imper. occid. c. 5.*

VI. Distributi quoque aliquando panes : quibus un-
ciam addidit Aurelianus, ut quâdam Epistolâ datâ ad
Præfectum annonæ ipse gloriatur, quam refert Flavius
Vopiscus in *Aurelian.* circ. fin. his verbis : *Aurelianus Au-
gustus Flavio Arabiano præfecto annonæ. Inter cætera, quibus
diis faventibus Romanam rempublic. juvimus, nihil mihi est
magnificentius, quam quod additamento uncia omne annona-
rum urbicarum genus juvi : quod ut esset perpetuum, navicu-
larios Niliacos apud Ægyptum novos, & Roma amicos po-
sui. Tiberinas exstruxi ripas : vadum alvei tumentis effodi-
dis & perennitati vota constitui, almam Cererem consecrâvi.
Nunc summum est officium Arabiane jucundissime, elaborare, ne*

meæ dispositiones in irritum veniant. *Neg.* enim populo Romano saturo quidquam potest esse latius. Atque huc quoque pertinet Impp. Valentiani & Valentis A.A. constitutio, quæ legitur in Codice Theodosiano: *Nepesinus panis populi Romani usibus ministraretur, sola ducentena millia modiorum frumenti integri atque intemerati juxta priscum morem mensores & caudicarii levioribus pretiis pistoribus vendicare cogantur.* Lib. XIV. tit. de canon. frument. urb. Rom. Vendebatur nim. pistoribus levioze pretio, ut plebs rursus ab iis vilius posset emere. *Panciroi. d. l.* Idem Impp. plures hæc de re tulere constitutiones, quas videre licet in Codice Theodosiano d. tit. Vocatur iste panis gradilis d. tit. C. Theod. de annonis civicis & pane gradili, quoniam à Præfecto annonæ in alto tribunali, ad quod per gradus ascendebatur, distribui consueverat. *Panciroi. c. 5. Add. Lips. d. l.* Cum enim unus locus ad dividendos inter tantam plebem panes non sufficeret & res ipsa suaderet, ut in altiori loco distributores liberi essent à premente turba: videntur in singulis urbis regionibus gradus ad hanc divisionem erecti. *Job Gul. Stuck. antiq. conviv. l. 1. c. 35.* Unde Valentinianus & Valens Impp. ita rescripsere: *ne quid super gradili pane fraudis oriretur, jussimus omne illud, quod populo penditur, palam in gradibus, non clam à Pistoribus ministrari.* Add. *Panciroi. in notie. imper. orient. c. 26. Anton. Perez. in Cod. de annon. civil. n. 1. 2. 3. L. XI.*

VI. Erogatio & cura hujus annonæ certis erat demandata magistratibus: & quidem C. Julius Cæsar duos Aediles, qui frumento præessent, à Cerere dictos *Cereales*, noviter constituit, uti refert Pomponius l. 2. §. 32. de O. J. & tradit quoque Dio Cassius lib. 43. in fin. His successit Præfectus annonæ, cujus meminit idem Pomponius d. l.

2. §. 33. Ejusdēq; officiū & excellentiam latius describit M. Aurel. Cassiodoro: *Si ad hanc, dicens, mēsurā censende sunt dignitates, ut tantò quis honorabilis habeatur, quantò civibus profuisse cognoscitur, is certè debet esse gloriosus, qui ad copiam (i.e. alimenta & annonas ut in l. 4. C. Theod. d. oper. publ. l. 20. d. compensat. & apud Valer. lib. 27. c. 22.) Romani populi probatur electus. Tui siquidem studii est, ut sacratissima urbi praparetur annona, ubiq; redundet panis copia, & tam magnus populus, tanquam unā mensā satietur. Per officinas Pistorum cibosq; discurre, pensum & munditiā panis exiges, nec vile judicas esse, unde te possit Roma laudare. &c. Et ne quod agis aliquid putetur extremum, carpenū Praefecti urbis mixtā glorificatione conscendis. Tu illi in spectaculis conjunctissimus inveniris, ut plebs, quam industria tua satiat, in suam reverentiam te honoratum esse cognoscat. Nam si querela panis, ut assolet, concitetur, tu promissor ubertatis seditiones civicas momentaneā satisfactione dissolvis: & per te prospicitur, ne quid à populis conquirentibus excedatur. &c. Ne quis autem putet, abjectis te hominibus imperare, dignitati quoq; tuae pistorum jura famulata sunt, quae per diversas mundi partes possessione latissimā tendebantur: ne inopiā faciente vilesceret, quod Romanae copiae laudabili famulatione serviret &c. In fraudulentos distringe: panis pondera equus examinatore intende: sollicitius auro pensetur, unde à Quiritibus vivitur. Quia gratior nobis est letitia faventis populi Romani, quā copia pretiosissimi metalli. &c. Hunc apud Praefectum depositas fuisse tabulas publicas, in quibus descripta nomina eorum, quibus deberetur frumentum, scribit Joh. Gul. Stuck. *antig. convivial. l. 1. c. ult. p. 133. in fin.**

IIIX. Quamvis verò Pomponius dicat, Praefectum annonae magistratum non esse l. 2. §. 33. d. O. J. Id tamen

vel cum Panciolo in *not. imper. occid. c. 5. circ. fin.* intelligendum de initio illius præfecturæ; vel cum Antonio Perezio in *C. de apparit. præf. ann. l. 12. n. 1.* & aliis explicandum, quod non fuerit præfectus annonæ ordinarius magistratus, sed extra ordinē utilitatis causâ, ne populum annonæ penuria urgeret, constitutus. Jus eū inter Pistores, nautas, mensores, frumentarios, & frumenti negotiatores dixisse constat, *l. f. quodcum eo qui in alien. pot. apparitores quoque iste separatos habuit: t. t. C. de apparit. præf. ann. L. XII.* Potestatem etiam ipsi competiisse in eos, qui in annonam deliquere patet ex *l. f. § f. de L. Jul. d. annon. Pancirol. d. c. in fin.*

IX. Creati præterea curatores annonæ, qui pecuniam ad annonam destinatam exigeret, & ex proventibus publicis annonam compararet, colligeret & asservaret *l. 9. §. 5. de admin. rer. ad civit. pertin.* Hos Græci *σιτωνας i. e. frumentarios*, (*ἐκ τῆ πὺν σίτων ὠνείδῃ ab emendo frumento*) & *ἐλαιωπύργος*, vel ut in Pandectis Florentinis legitur *ἐλαιῶνας i. e. olei coemendi curatores*, dicunt *l. f. §. 5. d. mun. & honor. d. l. 9. §. 6. de admin. rer. ad civit. pertin.* Et munus hocce Modestinus *σιτωνία* & *ἐλαιωνία i. e. frumenti ac olei emendi curam* vocat *l. 6. §. 8. de excus. tut.* nec non Ulpianus in *l. 2. pr. de vacat. & excus. mun.* atque occurrit etiam ista appellatio in *rubr. & l. ult. C. ut nem. lic. in emt. spec. sc. excus. ubi add. Fr. Amaya & Perez.* Et refertur inter munera personalia *l. 1. §. 2. l. f. §. 5. de mun. & bon.* Illis curatoribus videtur præfuisse centurio, vehendi condendiq; frumenti curam habens, de quo scribit Scævola, quod missus ex officio annonæ culleos ad annonam, quos Sejus in horreo haberet, sustulerit. *l. f. §. 1. de pign. action.* Ad dividendam porro inter plebem annonam vident.

videntur & ædiles constituti l. 17. de *compensac.* Pancirol.
eraet. de magistr. municipal. cap. 12. Conf. Gulielm. Stuck. d.
l. 2. c. 35. & Wilhelm. Possard. de magistr. Atheniens. p. 509.
& 510. ubi recensent eos, qui apud Græcos, quos Romani studi-
osissimè fuere imitati, rei frumentariæ præfuerunt.

X. Adhibebantur autem ad annonam distribu-
dam tesserae. Dabant enim Praefecti annonæ non ipsum
frumentum, (quippe quod vile & molestum munus fu-
isset,) sed tesseras frumentarias sive symbola, & certa si-
gna: quæ postea mensoribus exhibebantur, & ab his fru-
mentum ex horreis publicis erogabatur Novell. 88. c. 2.
junct. l. 1. C. d. condit. in publ. borr. L. X. l. ult. C. de frum.
Alexandr. Adrian. Turneb. advers. l. 19. c. 26. l. 27. c. 18. &
l. 29. c. 9. Fuisse illas tesseras, quas Justinianus Imp. Ψϕϑς
d. Nov. appellat, ex ære, & modum annonæ, atque perci-
pientis nomen ipsis incisum, discimus ex Codice Theo-
dosiano l. 5. de annonis civilis & pane gradil. Fit illarum et-
iam mentio in l. 52. §. 1. d. judic. l. 49 §. 1. l. 87. pr. d. legat.
2. Add. apb. 11. Quandoque ut alia missilia, ita & istæ tes-
seræ spargebantur: uti memorat Suetonius in Nerone c. 11.
Add. Turneb. d. c. 9.

XI. Modus atque numerus istius largitionis fru-
mentariæ definitus, & certâ regulâ s. normâ comprehen-
sus dicebatur Canon. Luc. de Penn. in rubr. C. de can. frum.
urb. Rom. L. XI. Stuck. d. l. 1. c. 35. Ita legitur in Codice
Tit. de canone frumentario urbis Romæ: h. e. ad populum
Romanum alendum destinato. Cujac. in d. l. Perez. ibid.
& de canone populi Constantinopolitani agitur tit. d. fru-
mento urbis Constantinopolitanae, C. L. XI. Est enim & huic,
æquæ ac Romano, annona gratuitò data. Cujac. in d. c.
Add. tit. C. de frum. Alexandr. L. XI. Cæterum non tan-

tum frumentum, sed etiam caro civibus distributa: cujus distributionis principium videtur Flavius Vopiscus adscribere Aureliano Imp. quando *in ejus vitâ* dicit: *Idem & carnem porcinam P. R. distribuit, qua bodièq. dividitur.* Hinc & Suarii constituti, de quibus *l. 1. & 2. C. de Suar. L. XI. & latius in C. Theod.* Similiter & vinum Aurelianus dare cœpit, ut idem tradit Vopiscus: *statuerat, inquit, & vinum populo gratuitum dare, ut quemadmodum oleum, panis & porcina gratuita præberentur, sic etiam vinum.*

XII. Ad liberalitatem istam *panes civiles* pertinent qui sunt redditus certi, quibusdam præmii, vel salarii loco, aliâve ex ratione, in panibus, aut frumento, aliâq. annonâ, præstati. *Alciat. Parerg. l. 8. c. 5. Conf. l. 12. Cod. de SS. Eccles. l. 1. C. de annon. & capit. & l. 1. C. de annon. civil. L. XI. ibiq. Cujac. N. 24. c. 1. N. 13.* Illi panes dari poterant in dotem *l. f. §. f. C. de jur. dot.* item legari *l. 12. C. de her. instit.* Unde etiam, præsertim cum inter immobiles res *N. 7. præfat. numerentur*, in feudum eos dari posse tradunt interpretes. *Zaf. part. 4. num. 144. & seqq. Sonsbeck, de feud. part. 8. nu. 25.* Similiter legimus tesseras frumentarias emtione transferri *l. 87. pr. de legat. 2.* ubi Titia in testamento voluit, Sejo tesseram frumentariam comparari: quam cum aliunde Sejusex causâ lucrativâ haberet, damnatur heres æstimationem tesserae præstare, quoniam tale fideicommissum magis in quantitate, quàm in corpore consistit: *Add. Franc. Mantica d. conjec. ment. def. l. 9. tit. 9. Franc. de Barr. d. success. l. 9. tit. 6. n. 8. Covarr. 4. resol. c. 1. n. 12.* h. e. non tam corpus, quàm æstimatio videtur legata *l. 49. §. 1. eod.* quia tessera necessario ab herede est emenda, & non potest res præstari, nisi æstimatione solutâ comparetur. Quæ tessera cum Romæ, non in provinciis,

emī potuerint: ideò dicit Ulpianus *l. 52. §. 1. de judic. legatum tesseræ Romæ debere solvi*: etiamsi major pars hereditatis in provinciâ sit. *Bud. in d. l. Pancirol. in not. Imper. occid. c. 5. Donell. 17. comm. 15. add. N. 88. c. 2.*

XIII. Hæc de largitione frumentariâ plebi factâ, & annonâ civili: Attingenda nunc annona militaris, quæ ut militibus erogaretur, & ad exercitum deferretur Romani diligenter prospexerunt: lege *l. si hæc de re tot. tit. C. de erogat. milit. annon. & tot. tit. C. de excoct. & translat. milit. annon. L. XII. jung. l. 20. l. 21. C. de SS. Eccles. N. 130. Luc. de Penn. in d. tit. L. 12. Anson. Perez. ibid. Franc. de Amaya in lib. 10. C. de annon. tribut. l. 6. Petr. Gregor. l. 9. c. 6. Paul. Christin. dec. cur. belg. vol. 5. dec. 139. & 140. Carol. à Mansfeld. magister. milit. tract. 2. part. 1. c. un. §. ult. Singularis quoque in constitutionibus nostri imperii annonæ militaris habetur ratio: *N. A. zu Augspurg. d. An. 1566. §. Als auch die Churfürsten. & SS. seqq. d. A. 1530. §. Ferner ist vor gut angesehen. N. A. zu Regenspurg d. Ann. 1532. §. Und nachdem die hohe / N. A. zu Epeyer. d. A. 1532. §. Wir haben auch / & §. Wir sollen und wollen auch. & SS. seqq.**

XIV. Comparabatur illa vis frumenti ex provinciis, è Sicilia, Sardinia, & præsertim Africa atque Ægypto, quæ bina horrea Pop. Romani: *ut pluribus exponit J. Lipsius d. l. 1. Elect. c. 8. Thom. Dempsterus in L. 7. antiq. Rossin. c. 38.* Quam ob rem constitutus quoque Præfectus annonæ Africæ, qui frumenti illic colligendi, & Romam transmittendi curam haberet, de quo legas Pancirolum *in notis. imper. occident. c. 66.* Hanc etiam ob causam Romani aggerum Nili diligentem habuere rationem: Vel ideò quòd alveos à singulis regionibus Ægypti ære,

publico in Nilum ducendos curaverint, quibus frumentum ingens copia Alexandriam ac demum Romam conheretur : adeoque maximè reipublic. interfuerit, ne aggeres Nili, qui erant alveorum ripæ, rumparentur : *uti quidem nili aggeres exponit Wilbelmus Possardus de magistrat. Atheniens. c. 15. f. 110, 111. Vel, ut aliàs explicari solet, quod, cum Ægyptus non pluviis sed Nilo fœcundaretur, placuerit aquam Niloticam aggeribus coerceri, ne effunderetur antè, quàm incrementum. XII. cubitum excesserit : & hinc in ruptores aggerum pœna statuta l. pen. de extraord. crimin. l. un. C. d. Nil. agger. non rump. Add. Perez in d. t. C. Cbristlin. dec. cur. belg. v. 4. dec. 203. n. 7. Ant. Matth. tract. de crimin. l. 47 tit 5. c. 3.*

XV. Erat verò in urbe Româ certum corpus naviculariorum s. nauclerorum, (*b. e. dominorum navis s. exercitorum l. 1. §. 13. d. exerc. action.*) quorum aliqui annonæ urbis serviebant : & species annonarias *b. e. vinum, oleum, frumentum, legumina l. ult. §. 3. d. mun. l. 26. §. 1. C. de usur. transferebant l. 1. C. de navicul. Lib. XI.* Atque hi, ut & ipsi nautæ transportantes species publicas publicâ securitate erant muniti *d. l. 1. ubi add. Peck. Vinn. Cbristlin.* Habebant etiam naucleri immunitatem à cæteris muneribus, & huic duntaxat functioni naviculariæ obnoxii erant *l. 5. §. 3. d. jur. immin. l. de muner. ratione cujus functionis omnia prædia & res ipsorum pignori tacitè erant obligata t. t. C. de præd. & omnib. reb. navic. L. XI. Add. Fr. de Amaya in C. de annon. & trib. num. 58.* Propter illud ministerium annonæ dicit Ulpianus præfectos & præsidēs juvare extraordinem exercitorem ex contractu magistrorum *l. 1. §. 18. d. exerc. action.* non quidem datâ ei actione, sed extraordinariâ cognitione, ut fieri solet in causis favorabilioribus

bus, quoties actio ordinaria magis, quam æquitas deficit
*l. 1. §. t. t. de extraord. cognit. l. 24. §. ult. de minor. Vinn. in
d. §. 18.* Neque tantum naviculariis propter rei annona-
riæ favorem, & quia reip. causâ abesse videntur *l. 5. §. 1.
de jur. immun.* sed etiam navibus ipsis, quibus annona
advehitur, immunitates concessæ. *d. l. 5. §. 5. de jur. im-
mun. l. 3. de vac. & exc. mun. Vinn. in d. l. 1. §. 18. d. exerc.
act. lit. d.* omnium autem naves, nullâ obstante dignitate
vel privilegio, transvectioni annonæ publicæ inservire
tenentur. *t. t. C. de navib. nō excus. L. XI. ubi add. Luc. de Penn.
Perez. Peck. & Vinn. qui bene explicat vocem: Embolam:*
in l. ult. d. t. Sed quæritur hic: an nave ad exercitum
missâ, velequis, amissis, Princeps teneatur restituere æ-
stimationem? Et non teneri dicunt, cum munus sibi
impositum præstet nauta vel alius subditus. Quod si ve-
rò onus hoc non ipsum, sed universitatem respiciat:
tunc æquum est per eam succurri *Luc. de Penn. in l. 2. C. de
navibus non excus. Petr. Peck. ibid. n. 4. Paul. Christin. dec.
cur. belg. v. 5. dec. 63. n. 10. & seqq.*

XVI. Asservabantur species annonariæ in horreis
publicis, & ex illis plebi ac militibus erogabantur: *Vid. t.
t. C. de condit. in publ. horr. ibiq. Luc. de Penn. Franc. de A-
maya & alios.* Hinc frumentum & alia annona, in iis re-
posita, uno vocabulo substantivè *Condita* dicuntur *l. 4.
l. 5. de erog. mil. ann. Fr. de Amaya in d. t. d. cond. in publ.
horr. n. 12.* Hujusmodi publicorum horreorum cura
Præsidi injecta *l. 2. C. d. tit.* Constituti quoque Comi-
tes, curatores l. Præpositi horreorum *l. 2. 6. C. de suscept. &
Præpos. L. X.* Appositus etiam horreis custos ac mensor,
cujus officium describitur in *l. 1. cod. Add. Joban. Fran-
cisc. Ripa tract. jurid. de peste c. 5. num. 11. & seqq.* Ha-
buere

buere isti mensores Romæ collegium, ac pluribus privilegiis sunt ornati *l. 10. §. 1. de vacat. mun. (ubi rectius cum Haloandro legitur mensorum) l. 26. de excus. tut. l. un. C. Tb. de mensor. Nominantur etiā Portuenses l. 9. C. Tb. de suar. quia horrea erant in portibus liberis: & Caudicarii l. 1. C. Th. de can. frum. urb. Rom. quia naves, quibus annona advehabatur dictæ caudicaria: à caudice,] quo nomine veniebat apud antiquos contextus plurium tabularum. *Fr. de Amaya in d. t. C. l. 1. n. 31. & in t. C. ut nem. lic. in emt. specier. n. 48.* Cæterum in *d. l. 1. C. de cond. in publ. borr.* inter alia dicitur, *mensores debere frumentum vetus corruptum cum novo miscere, ut hujus adjectione corruptio velata damnum fisco non faciat.* Quod intelligendum cum sæpius laudato Francisco de Amaya, (qui aliorum explicationes bene examinat) de superius à nobis expositâ largitione frumentariâ. Cum enim ex liberalitate plebi annona exhiberetur, licetè potuit talis mixtio fieri: neque ex suâ largitate conveniendi Imp. quod corruptum exhibuerint frumentum, quia liberum eis fuit non dare. *add. l. 2. C. de evict. & potuit illa mixtio facilius fieri, cum jam Valentiniani & Valentis, quorum est d. l. tempore panis coctus, sec. rescriptum Constantini l. 1. C. de frum. urb. Constant. præberetur.* Cum igitur in casu speciali liberalitatis Principalis loquatur hæc lex, non rectè inde concludunt Bobadill. *3. polis. c. 3. n. 40. 50. Anton. Perez. in C. d. t. n. 13. & alii.* quod possint subditi cogi, ut emant frumentum publicum corruptum.*

XVII. Libertas hujus publicæ annonæ tum ex prædiis & agris publicis *l. 2. §. 1. de administ. rer. ad civ. pertin.* tum cum primis ex tributis collecta, quæ tributa in speciebus s. ipso frumento & aliâ annonâ præstabantur: de qua

quâ annonariâ collatione agitur in *l. 9. C. de susceptor. l. 2. 4. 6. 7. C. de annon. & trib. L. X. ubi add. Amay. & in Nov. 128. vid. Pancirol. ib. var. lect. l. 3. c. 31. p. 489.* Præterea etiam pecuniâ publicâ, triburis collectâ, annona coëmpta *t. t. C. ut nem. lic. in coëm. spec. se excus. L. X. ubi add. Amaya. n. 15.* Notabis hic, quod ex causâ frumentariâ reipubl. debitores præcisè teneatur solvere, nec exceptionem compensationis opponere possint *l. 3. l. 7. C. de compensat. l. 46. §. 5. de jur. fisc. Luc. de Penn. in C. de ann. & trib. L. X.* Nec habent dilationem quatuor mensium, quæ aliàs conceditur, sed statim solvere debeant, quia pecunia frumentaria moram solutionis non patitur *l. 2. §. 3. de admin. rer. ad civit.* Sic etiam appellatio in causâ annonariâ non recipitur *l. ult. pr. de appell. recip. vel non.* ac ob eundem annona favorem, necessitatem atque utilitatem, causæ Pistoriæ feriatis diebus tractari possunt *l. 5. §. 1. C. de fer.*

XVIII. Atque hæc de publicâ annonâ Romanorum ad quarundam legum faciliorem intellectum delibâsse sufficiat. Aliàs verò in genere ad curam annonæ spectat, 1. ut prospiciat respubl., quò justo vendatur annona pretio: *l. 1. §. 11. de offic. Præf. urb. ubi Bart. l. 1. C. eod. l. 1. C. de epis. audient. ubi add. August. Barboſ. n. ult. c. 1. de emt. vend. & carnes exagio (h. e. trutinæ examine) vendantur, non oculorum libertate pondus quærat: uti loquitur l. 4. C. Tb. de suar. & suscept. vin. L. XIV.* Hinc Jacobus Augustus Thuanus *l. 8. histor.* scribit: *Sancitum est, petito à Græcis & Romanis exemplo, ut lanii ubiq; in Galliâ carnes exagio vendere, pretio à magistratibus in libras singulas constituto teneantur &c.* Pertinet quoque huc constitutio Friderici I. Imp. II. f. 27. cujus verba sunt: *Post natalem S. Mariae (h. e. post Cal. Septemb. quo tempore fruges & annona ple-*

C

raque

raque collecta) unusquisq; comes septem boni testimonii vi-
ros sibi eligat: & de quâlibet provinciâ cum ipsis sagaciter dis-
ponat: & quanto pretio secundum qualitatem temporis sit an-
nona vendenda, utiliter provideat. Quicumq; verò contra de-
liberationem ipsius intra anni terminum alius modium & ca-
rius vendere præsumserit, tanquam violator pacis habeatur,
& toidem viginti libras comiti exsolvat, quanti modios s.
maldios alius vendidisse convictus fuerit. Quam constitu-
tionem laudat Andreas Dinnerus de just. rer. pret. defin.
q. 4. ita exclamans: ô constitutionem orbi Christiano saluta-
rem, si seculi nostri avaritia, & ἰσχυρὴ extrema caritatis, si mo-
nopoliorem impunita licentia in usu eandem habere permitte-
rent. Verum ita est ut Comicus in Trinummo, ait: Mores le-
ges perduxerunt in potestatem suam.

XXIX. Non solum autem ad majestatem hæc cura
pertinet, sed etiam ad municipia *Matth. de Afflict. in c. 1.*
§. 4. de pac. tenend. 2. f. 27. Andr. Dinner. de just. pret. defin.
q. 3. n. 3. Baltb. Conr. Zabn de jure municip. c. 81. Sic apud
Romanos ab ordine decurionum episcopus s. inspector
præficiabatur, qui præesset pani & cæteris venalibus re-
bus, quæ civitatum populis ad victum ului sunt. *l. f. §. 7.*
de mun. & bon. vid. Pancirol. de magistr. municip. c. 13. Non
obstat *l. ult. §. 1. d. L. Jul. de annon. ubi dicitur, jus or-*
dini cujusque civitatis non esse, pretium grani, quod in-
vehitur, statuere. Responderi namq; potest, quod so-
lum decurionibus, quippe quorum officium non adeo am-
plum, ibi denegetur potestas definiendi pretium. *Dn. Habn.*
ad d. c. n. 4. vel quod prohibeatur, ne in fraudem invehenti-
um anonæ, pretium statuatur, Add. Bartol. in d. text. Purpur.
cons. 428. n. 34. Ripa d. tract. c. 4. n. 197. Christin. in consv. Me-
seliniens. tit. 2. art. 27. n. ult.

XX. Deinde (2.) aliquando expedit rei publicæ prohiberi, ne annona exportetur *arg. l. 11. §. de public. & re-
lig. l. 6. C. de adif. privat. l. 1. & 2. C. quæ res exp. non deb.
l. 4. C. de commerc. & mercat.* Neque contrariatur hu-
jusmodi prohibitio juri gentium, quo commercia di-
cuntur esse libera; nec ordinationi Rec. Imperii d. A. 1555.
§. *Sehen demnach/ubi dicitur: daß keiner dē freyē Zugang/
der Proviant/Mahrung und Gewerb dem andern abstricken
und auffhalten soll:* cum ex justâ causâ rectè sec. ipsum
jus naturæ & gentium restringantur commercia, & po-
tius incumbat magistratui, ut annonæ penuriam à suis ci-
vibus avertat, quàm aliis profit. Sicut enim, ut *Clau-
dius Imp. dicit, l. 6. C. de servit.* durum & crudelitati pro-
ximum, ex tuis prædiis aquæ agmen ortum, sitientibus a-
gristuis, ad aliorum vicinorum usum propagari. Ita
multò magis durum esset admittere, ut ex provinciâ no-
strâ annona in alia loca transveheretur, quâ postea ipsa
indigeat. *Add. Menoch. 2. cas. 585. Losa. de jur. univ. p. 3. c.
15. n. 23. Guid. Pap. dec. 373. Cbristin, dec. cur. belg. v. 3. dec.
60. n. 2. §. Perez. in C. ut nem. lic. in coemt. l. 10. n. 2. Dinner.
d. tract. q. 3. Ripa d. tract. c. 5. n. 42. ad 139. ubi plures hæc de
re questionēs tractat.* Non verò licita est hæc prohibitio,
si necessitas & publica utilitas eam non exigat. *Caspar.
Klock. tr. de contribut. c. 1. n. 356. 371. & conf. 29. num. 1007.
1008. & conf. 48. n. 45.*

XXI. Porro (3.) rectè subditis injungit magistratus,
ut imminente caristia tempestivè annonam, etiam in lo-
cis remotis emant *Job. Sicbard. ad l. nec emere. C. de jur. de-
bit. Kæpp. d. 59. n. 18. Rutg. Rulant. de commiss. p. 4. l. 4. c. 7.
n. 45. Dn. Carpzov. 1. resp. 42. n. 15. Perez. in C. d. l. num. 3.*
Licet enim regulariter nemo invitatus ad emendum com-
pelli possit, *l. 16. C. de jur. deliber.* ob publicam tamen uti-

litatem & annonæ necessitatem ejusmodi mandato merito reipublic. & ipsorum subditorum commodo providetur. *dd. Aut.*

XXII. Similiter etiam (4.) in annonæ caritate quis compellitur ad vendendum annonam: etiam si alias eam non habeat venalem. *arg. t. t. C. ut nem. lic. in emt. spec. se excus. l. X. ubi eleg. Fr. de Amaya n. 6. & seqq.* Quamvis enim itidem regulariter nemo rem suam cogatur vendere *l. 11. 13. 14. C. de contr. emt. l. 9. C. de Jud. & collect. l. 70. de R. V.* obligatur tamen is, qui annonâ abundat, tempore necessitatis eam vendere, & alterius inopiam ita sublevare: adeoque rectè ad hoc ipsum à magistratu adigitur. *Bartol. in l. 1. Cod. de episc. audient. Fabian. de Mont. d. emt. vend. q. 3. pr. n. 39. fall. 3. Fr. Rip. d. tr. de pest. c. 4. nu. 188. Mysf. 8. obs. 27. Surd. de aliment. t. 1. q. 77. nu. 6. & §. 8. q. 94. Aug. Barbof. & plur. alleg. in d. l. 1. C. de episc. aud. Fr. de Amaya in d. c. ut nem. lic. in emt. spec. n. 1. & seqq.* Diximus eum ad vendendum esse obstrictum, qui annonâ abundat: qui namque pro se tantum & familiâ suâ aliquam frumenti copiam comparatam habet, eam aliis vendere non tenetur. *Steph. Gratian. disc. for. tom. 1. c. 149. nu. 42. Schneiderv. ad § f. n. 8. l. de emt. vendit. Perez. in d. t. n. 10.* Ceterum etiam ad eleemosynam tali casu divites, ne pauperes fame pereant, possunt compelli *arg. d. l. 1. Codarr. 3. var. res. 14. n. 5. Azor. inst. mor. l. 12. c. 13. q. 3. Tirrag. privil. piæcauss. 149. Barbof. d. l. n. 8. 11. Add. Gabr. Vazquez. tract. de eleemosyn. c. 2. dub. 5. Martin. Bonacin. de ressit. disp. 3. q. 4. punct. 6. Job. de Dicastill. de just. & jur. l. 2. tract. 2. disp. 9. n. 218. & seqq.*

XXIII. Præterea (5.) favor annonæ singularis exigit, ut illam advehentes vel promoventes, si fidem de pretio habue-

habuerint, non ultra quam sponte dilationem concedant, cogendi sint exactionem differre, ac illis cessionis aut moratorii exceptio opponi nequeat. *Faber. in C. lib. 1. c. 9. def. 11. n. 4. def. 20. n. 11. Choppin. de privil. rustic. l. 2. c. 2. Boer. dec. 296. Rebuff. d. lit. dilat. n. 45. Dn. Dav. Mavius discuss. levam. inop. debit. c. 6. n. 90.*

XXIV. Denique ad necessariam annonæ curam, pertinet, ut crimen fraudatæ annonæ coërceatur: de quo lata quoque est Lex Julia *tit. d. L. Jul. de annon.* & referatur inter crimina publica *l. 1. d. publ. judic.* Committunt autem illud crimen, qui contra annonam faciunt, h. e. annonæ abundantiam, & quò minus justo vendatur pretio in republ., dolosè impediunt: ut qui societatem contrahunt, quò annona carior fiat *l. 2. pr. d. L. Jul. de annon.* qui navem, nautamve annonam advehentem retinent, aut dolo malo faciunt, quò magis detineatur *d. l. 2. §. 1.* qui annonas coëmunt & supprimunt ut cariori eam pretio vendere possint *l. 6. d. extr. crimin. vid. Polier. Ord. zu Frankfurt. d. A. 1577. tit. 18. die monopolia, die schädliche Auff- und Fúrkauff belangend.* qui fructûs prædiorum suorum (*in damnum aliorum gefährlicher weise*) æquis pretiis vendere nolunt, dum minus uberes proventus expectant *l. 6. de extraord. crimin.* Associantur his & ii, qui in foro plus æquo offerunt, vel ut aliis merces præstipiant, vel carius aliæ emere cogantur *Kæpp. l. 1. dec. 89. n. 22.* Referunt etiam huc exemplum Thaleris, apud Aristotelem *1. Polit. 11. Add. Plin. l. 30. N. 11. c. 1.* Ad crimen quoque fraudatæ annonæ hodie spectat coemptio messis immaturæ, der Früchte auff dem Felde quæ prohibita *ord. pol. tit. 19.* Quævis verò Anth. Mathæo *d. crim. Lib. 48. tit. 9. c. 1. n. 1.* videatur, etiam eos in hanc Legem Juliam incidere.

cidere, qui stateris vel mensuris adulterinis utuntur. Mil-
nus tamen rectè hoc statui existimamus, cum L. Julia so-
lùm ac in specie de casu videatur loqui, quo directò ipsa
annona flagellatur & oneratur. Unde etiam in *l. 6. de ex-
traordin. crimin.* dicitur, quod quidem & tunc anno-
na sc. per consequentiam, & propter adhibitam falsam
mensuram oneretur, sed committatur crimen falsi. *v. l. 4
pen. ad L. C. d. fals. P. H. D. art. 113.* Ob utilitatem porro
popularis annonæ falsum mensurarum modum adhi-
bentes pro modo admissi etiã extra ordinem puniuntur
*l. 37. d. pæn. Add. Isber. Decian. tract. crimin. tom. 1. lib. 7.
c. 22. n. 20. & num. 39.*

XXV. Qui annonam exposito modo attentant, ve-
xant, flagellant & onerant, Dardanarii vocantur *d. l. 6. à
Dardano* quodam mago: à quo & *artes Dardania* pro
magicis dicuntur. *Vid. Dinner. d. tract. de just. rer. pret. de-
fin. q. 3. Cujac. 10. obs. 19. Hermann. Latber. de cens. l. 3. c. 7.
n. 69. & seqq. Job. Hering. mantiss. c. 3. n. 45.* Non solùm
autem Dardanarii dicuntur annonæ fraudatores (die
Korn-Jüden) sed & qui quascunque merces supprimunt
Auff, und Jürkaußer *d. l. 6.* quorum malitia in genere
extra ordinem punitur: *d. l. 6.* & incidunt quoque illi in
crimen stellionatus *l. 3. §. ult. stellion.* in specie verò L. Ju-
liã vindicatur Dardanariatus in annona commissus,

XXVI. Pœna fraudatæ annonæ, ut ait Ulpianus in
l. 2. d. L. Jul. de annon. est aureorum viginti: quæ quidem
pœna levior videtur. Concurrit verò cum illo ju-
dicio publico accusatio extraordinaria *d. l. 6. de extraord.
crimin.* sec. quam pro qualitati admissi pœna est varia, in-
terdum relegatio vel damnatio ad opus publicum *d. l. 6.*
Hodie etiam pœnã extraordinariã judicis arbitrio pro
modo

modo delicti infligitur *Menoch. arb. jud. quest. c. 384*. Singularia in hoc crimine sunt, quod & mulieres & famosi possint accusare, & servi dominos suos deferentes audiuntur, *l. 1. §. 3. §. ult. de L. Jul. de annon. l. 13. de accus.* Propter publicam enim utilitatem strictum jus insuper habemus *l. 43. de relig. & sume suc. Matth. d. l. c. 2. n. 3.*

XXVII. Prohibitum etiam est annonæ sicut & aliarum rerum monopolium *l. un. C. de monopol. d. ordin. pol. tit. 18. Dn. Carpz. l. 1. resp. 41.* (ubi tradit, quod regulariter non prohibendi sint pagani furnicarii advehere panes civitatibus.) Cujus pœna itidem arbitraria *Menoch. d. cas. 384*. Justa tamen ex causâ aliquando Princeps, publica utilitate & necessitate exigente, monopolia potest instituere vel aliis concedere: Sic nonnullis in rebus publ. farinæ, salis, &c. licitè exercetur monopolium. *Vid. Molin. tract. 2. de just. & jur. disp. 345. Martin. Bonacin. de contract. disp. 3. q. 2. punct. 5. Job. de Dicastill. d. 7. & 7. L. 2. tract. 9. disp. 3. dub. 10. n. 134. & seqq. Michael. Piccart. comm. in Polit. Arist. l. 1. c. 11. Dn. Theodor. p. m. colleg. crim. disp. 9. tb. 2. b.* Huc pertinet quæstio: an populo alicui liceat cum alio populo pacisci, ut is populus certi generis fructus, qui alibi non nascuntur, sibi soli vendat? Quam ita decidit Hugo Grotius: *Licere, censeo, si is qui emit populus paratus sit aliis vendere æquo pretio. Nam aliarum gentium non interest, à quo emanent, quod ad desideria natura attinet. Lucrum autem alter alteri prævertere licitè potest, maximè si causa subsit, ut si qui id stipulatus est populus alterum populum in suam tutelam receperit, sumtus quæ eo nomine faciendos habeat.*

XXIX. Adjicimus tandem, quod aliquando superiores, eorumve præfecti arrogant sibi aliquod jus proprium in speciebus annonariis subditorum, injungendo.

do his, ut prius offerant vendenda cibaria, quam in foro venalia exponant. Verum hujusmodi jus illis (*nisi forte singulari consuetudine fuerit introductum*) non competere rectior est sententia, cum nullo jure hoc ipsis tribuatur, nec id solida ratio firmet, sed potius sit contra libertatem naturalem commerciorum, quam sine iusta causa restringere non licet. *Non obst. l. f. C. de jur. emphyt. l. 1. C. de metallar. Vid. Socin. Sen. 2. conf. 272. Dn. Carpzov. J. R. S. 2. c. 51. def. 10. Raucbar. p. 2. quest. 22.* Atque ita Facultas quoque Juridica hujus loci de jure respondit Statibus Provincialibus Ducatus M. *Ann. 1652. Mens. Septemb. his verbis: Daß die Landes-Einwohner/daß sie ihrer Güter Einkommen der Fürstlichen Hoffstadt oder denen Beampten vor andern anbieten und verkauffen sollen / wider ihren Willen nicht anzuhalten / sondern darmit zu verschonen.*

COROLLARIA.

I. *An l. si unquam 8. C. de revocand. donat. ad quemvis extraneum pertineat? Neg.*

II. *An sententia propter instrumenta noviter reperta rescindi possit? Neg.*

III. *An donator teneatur de eviotione? Neg.*

IV. *An famina in Feudo ex pacto ad eam transitorio semel exclusaper masculum, in perpetuum exclusamaneat? Neg.*

V. *Si Feudum alicui ejusq. filiis & filiabus sit concessum, an descendentes ex feminis sub isto pacto comprehendantur? Neg.*

VI. *An feudum cum consensu domini alienatum, à filiis post mortem parentis jure delatae successionis revocari possit? Neg.*

VII. *An juramentum fidelitatis remitti possit? Aff.*

VIII. *An hypotheca in Feudo cum consensu tantum agnatorum, facta valida sit? Neg.*

F I N I S.

